


BIBLIOTEKA

Zakl. Nar. im. Ossolińskich


XVI


3437












# CONFLICTVS

AD NEVELAM POLONORVM

CVM MOSCHIS.

Auctore

Ioanne Stariconio Semusouio, Philomuso  
Academico Occulto.



76064

BONONIAE,

*Ex Officina Mercuriana Ioannis Rosij,*

MDLXVIII.

Curiae Episc. & Sanctiss. Inquisitionis concessu.

76.064



CONFELTUS

AD NEVELAM POLONIAM

CVM MOSCHIS.

Auctore

Joanne Staronio Sembrino, Philologo  
Academico Occulto.

1700



BOHONIAE

In Officina Johannis Joannis Typographi

MDCCXIII

Curiositas in rebus antiquis et modernis

1700

XV. gr. 3437

SERENISS. ET POTENTISS.

PRINCIPI, ET DOMINO,

DN. SIGISMUNDO AVGVSTO

Iageloni, Inclyto Polonorum Regi, Magno  
Duci Lituaniæ, Russiæ, Prussiæ, Masouiæ,  
Pomeraniæ, Liuoniæ, Samagethiæq; Domino  
& hæredi, Domino suo colendissimo.



*I licet, & fas est, oculis Auguste  
benignis,*

*Vatis primitias, intueare tui.*

*Quodq; ad Romulei, cecinit mea  
Musa, susurros.*

*Tybridis, indignum perlege Re-  
ge melos.*

*Inuenies illic Moschos: & Lechica duri*

*Auspice te, quantum pectora Martis habent.*

*Videris Arctos, titulis accedere nostris,*

*Et tibi, deuictas succubuisse, plagas.*

*Seriùs hoc equidem (nam tertia uertitur æstas,*

*Moschia quò nostro fulmine tacta gemit)*

*Seriùs hoc Italis inquam, enarrare libello*

*Incepi, heu latuit gloria uestra diu.*

*Peccatum fateor, sed me peccasse licebat:*

*Ei dignus uenia quisque coactus erit.*



Vatis enim Andini, cum sit tua gloria cantu  
Digna, mihi nimium grande fuisset onus.  
Res quoque tanta fuit, nostrum submittere robur  
Cui, nisi nil aliud, latus arare fuit,  
Et Rodopes taxos, Aemi coniungere sylvis,  
Et Siculi guttas enumerare sali.  
His onus hoc potius dederam, quorum Indica sulcas  
Aerato semper, cærule, dente ratis.  
Et quorum ingenium multò felicius, atq;  
Amne suos cursus uberiore facit.  
Nostra leues fluvii, uix suffert cimbula fluctus:  
Et modico ingenium, labitur amne meum.  
At quia, magnorum usque huc processere Ataronum  
Somnia, nec solvunt membra sopore suo.  
Plurq; illaudati dignas Busiridis aras,  
Quàm tua, perpetuo carmine, gesta putent:  
Quamvis nauta rudis, pelagus nec currere possem,  
Attamen imposui carbasa magna rati.  
Sive nec ingenia ualeam, nec uiribus æquis,  
Diuina uolui te cecinisse lyra.  
Hoc siquidem nobis imo de corde petatum est,  
Ut tua per populos, gloria tanta foret.  
Luxurient alii ingenii, quos æquis amauit  
Cynthius, atque armati prælia in atra Iouem;  
Disparibus numeris, me certè uestra tueri  
Non pudet, & gratis me decet esse probum.

Comprobee



Comprobet officium tua Rex *Auguste* uoluntas.

Et dexter nostræ uela tuere ratis.

Te duce contemnat linguas mea *Musa* malignas,

Inq; tua cantu fessa quiescat humo.

Primus ego *Andinas* (tantummodò uita superfis

Utriq;) efficiam te celebrare *Deas*.

Primus *Mantoi* referam tibi uatis honorem,

Et mea quem laudet, *Musa* *Quirinus* eris.

Atq; ubi, saxoso decurrens gurgite, Sanus

Murmurat, & patrium perluit amne solum;

Propter aquam, in uiridi constrato gramine campo,

De solido, ponam marmore templa tibi.

In medio mihi numen eris, aditusq; tenebis.

*Auguste*: atq; loci tu Deus huius eris.

*Aurea* uelabunt omnes aulea recessus,

Inflexosq; tegent myrtea ferta tholos.

Illic lagelo radiis pingetur acutis,

Illic resq; suæ posteritatis erunt.

In foribus *Litaum* gentes illo auspice primum,

Aeterno effingam ritè litasse Deo.

Has *Ister* bello fractus septena sequetur

Cornua, & immissus colla superba iugo.

Mox profugos, amisso addam ex oriente *Borussos*,

Atq; triumphatos iura *Polona* pati.

Stabunt & *Bessorum* aquile, uerum apra rapina

Pro dominis, acuent cornea rostra nouis.

Nec

Nec sua Coritibis depromet tela Gelonus,  
Maluerit potius uictus abisse Tomos.  
Moschicus hinc hirtos uelatus arundine crines  
Præbebit uinctas ære Volochda manus.  
Parte alia Kalachos, pulsum & Bohodana procellis  
Submerget, nullo segnior amne Tyras.  
Deniq; tu Grachi redimitus tempora lauro,  
Ad sedem niueis progredieris equis.  
Vieta triumphalem præcedet Moschia currum,  
Et debellatis rapta trophæa uiris.  
Te croceis circum uolitans, uictoria pennis,  
Victorem populis, deferet esse tuis.  
In summo (stellis ubi clarum ardentibus axem  
Adiciam) hæc fieri cuncta iubebo, tholo.  
Stabit acerba tuens oculis, Saturnia luno;  
Corrumpens Lechis inuidiosa louem:  
Æneadum genitrix, pro libertate Polona,  
In ferrum, & lachrymas, & maledicta ruet:  
Iuppiter in medio, promissa in corde reuoluens,  
Amborum dirimet fata bilance pari.  
Illam indignantem, magno cum murmure Diuum  
Aspicias, causa quod cito uicta cadat.  
Hanc exultanti similem, similemq; iocanti  
Gratantes cernes ordine adire Deos.  
Hinc placet Augusti, celebrare Augusta, Calendis  
Sacra (habeant proprios propria festa dies)

Et



Et bis sex aris, totidem admouisse iuuenços,  
Thurag odoratis imposuisse focis.  
Cuncta mihi Bogum linquens, Hypanisq; fluentem  
Laus aderit nostri Russia sola fori.  
Cursibus hæc mecum (referemus Olympia) ludos  
Instituet, uictor qui prior ibit erit.  
Ipse tamen foliis cinctus, uictoris Oliuæ,  
Primus quadriugos puluerulentus agam.  
Post ea mox uires, etiam naualibus armis,  
Quidue queant nostras, experiemur opes.  
Tu modo te placidum dederis, & numine sancto  
Non dedigneris pectora nostra tuo.  
Tutius Aeolis nam arreptus nauita uentis,  
Dum Neptunus erit dexter inibit iter.  
Fortius atque rudis cæstus gladiator arena,  
Excipiet si spes ulla salutis erit.  
At uerò, unde Deum regina inimica Polonos  
Oderit? & Veneris cur tueatur amor?  
Si qua uetustatis uerum monumenta fatentur,  
Lechiaci regni Dardanus author erit.  
Nouimus indomitum pectus Iunonis iniquæ,  
Et quod Pellæo sustulit ense Phryges.  
Reliquias Troiæ nos, ob peccata parentum  
Persequitur, simili uultq; subesse malo.  
Namq; ubi res Phrygiæ Danaum cessere furori,  
Corruit & Priami regia celsa senis.

*Diuerſa*

*Diuerſa exilia, & diuerſas querere ſedes,*  
*Troiugenas miſeros, lucis adegit amor :*  
*Vel quia, ne penitus cecidiſſet Troia ſariſſis,*  
*Conſilium magni tale Tonantis erat .*  
*Regna petiturus, fugiens Simoenta, Liburnum*  
*Dicitur Antenor uela dediſſe rati .*  
*Bis denis, Siculum conſcendit, nauibus, æquor*  
*Æneas, Italumq̃, attigit exul opes .*  
*Ille urbem Pataui, regna hic Albana locauit,*  
*Romuleæq̃ prior ſtirpis origo fuit .*  
*Pars Hænetum pertæſa maris, longiq̃ laboris,*  
*Quem peteretq̃, ſatis non benè certa loci .*  
*Hospitium antiquum Troiæ regnata Lyncurgo .*  
*Regna petit, ſua ubi ſpes Polidorus erat .*  
*Addunt ſe ſocios Miſi, Moſchiq̃, Phrygesq̃ .*  
*His & Haliczones gens opulenta uiris.*  
*Ingreſſi rigidam, non fauſto ſydere Thracen,*  
*Inter Biſtonias ſe poſuere niues .*  
*Eſt res priſca, tamen prorſus non diſſona uero:*  
*Emathiam attingunt ex Aquilone Phryges .*  
*Nuncq̃, ubi Dardanide, Miſi, ſociæq̃, cateruæ,*  
*Conſtiterant : etiam nomina nuda manent .*  
*Sed poſtquam Danaum, Polimeſtor ſigna ſecutus,*  
*Priamidemq̃, illi fas uiolare fuit .*  
*Conuulſis ſubitò caſtris, polluta relinquunt*  
*Hospitia, & celerant inde referre pedes .*

*Deuenere*



Deuenerere locos Scythiæ, loca plena tenebris  
 Heu quondam tenebris Lechia nota fuit.  
 Partitiq; solum, cessere Ceraunia Moschis  
 Caucaſi, Haliczones accoluere Tyram.  
 Conſedere Henetum reges, ubi maximus exit  
 Iſtula, & æterno flumina fonte tenet.  
 Signa patent facti, retinent uetus æquora nomen,  
 Deq; Henetis pelagus, fert Boreale genus.  
 Moſchorum annales, referunt dum ab origine gentem,  
 Se dicunt Thracen incoluisse prius.  
 Hoc credat quicumque uolet, tamen ore loquentes  
 Hos & Haliczones, conueniente notet.  
 At quis Haliczones, Phrygiæ neget eſſe colonos?  
 Græcâq; contendet uerba fuiſſe Scythiſ?  
 Certè equidem, unde ſuum producat Halicia nomen  
 Ruſſiæ, Haliczones ipſe fuiſſe reor.  
 Non etenim Galato, muros præcingitur amni,  
 Eius & à portis longius æquor abeſt.  
 Quin age, quod plures populi feciſſe leguntur,  
 Nomen, & hos patriæ detinuiſſe ſuæ.  
 Nec mirum, ſi non ſubito innotuere Latinis,  
 Cum requies illis laude petita fuit.  
 Et loca, quæ Phrygiæ primum obſedere coloni,  
 Cimmeriis tenebris nota fuere minus.  
 Hocq; fuit fatum, ut ſocio deleta furore  
 Pergama eos inter poſt recidiua forent.

Attamen & ueteres laudes, & nomen eorum,  
 Priscaq; in Argolicis legimus arma notis.  
 Sed quodquod nobis, praelongi temporis ætas  
 Nomen, & antiquum dempsit iniqua decus:  
 Id postquam fortuna caput pulcherrima nostrum  
 Extulit actutum nos renouasse iuuat.  
 Nempè suis totum Europæ compleuimus orbem  
 Gentibus, & nostro est milite uicta Pharus.  
 Vos nobis Zephyrum, atq; Eurum uicistis Eoum,  
 Nimbosos gelido, cumq; Aquilone Notos.  
 Et tantum excreuit iam nostra potentia, ut inde  
 Vix locus in quem plus progrediatur erit.  
 Hoc turbata, Iouis coniunx, Saturnia Iuno,  
 Nos inter miseros prælia dira mouet.  
 Scilicet hoc fuerat solum, quo inimica Polonos  
 Perderet, & uestras attenuaret opes.  
 Huic contra, Diuum, Citherea innixa, parentis  
 Pollicitis, omni mole stetitisse studet.  
 Et quoniam bello res deduxere, nec ullum  
 Litibus æternis imposuere modum;  
 Moschorum Iuno partes, Citherea Polonas  
 Versibus in nostris quas tueatur, habet.  
 Illa, ut conficiat, quas nostro corpore partes,  
 Auulsit; reliquum hæc quò refouere queat.  
 Hos igitur nobis dictos Auguste tumultus  
 Cognoscet postquam, consule quæso boni.



Qui licet alterno subsidant crure, tuentur  
Qua tamen auctorem sat rationis habent.  
Nam quod ubi cædendus erat, turbauimus hostem:  
Fecit amor sociis, nos gemuisse malis.  
Et dum uincit amor patriæ, laudesq; Polonæ,  
Cædibus in mediis, ter cecidere manus.  
Dissimilis nam affectus adest, nonq; impetus idem,  
Tempore in aduerso, & prosperiore uenit.  
Nec mea fors hæc est, ut stridulus anser olores  
Aequarem: in te uix officiosus eram.  
Insuper est aliquid, certo narrata referre,  
Gestaq; non falso bella tenore loqui.  
Me, tua cum rutilo se æquaret gloria cælo,  
Fouit diuitiis Theutona terra potens.  
Rarus ubi hyppophagis, affinis Sarmata Moschis,  
Et qui illis bello congregiatur adest.  
Vlla uiri facies pingentis prælia gypso,  
Et certò addentis talia uerba sono:  
Hi montes Boreæ regnum, quæ defluit inde  
Munibat nostrum fluctibus unda latus.  
Hac campi patuere, ibi erant tentoria Moschum  
Hic steterant nostri Regia signa Ducis.  
Illic Bellona, illic pugnauere Poloni,  
Hic trepidæ Moschi terga dedere fugæ.  
Hæc si quis nobis memoranti uoce tulisset,  
Fors aliqua nostrum parte leuasset onus.

*Armatiꝫ duces, & dantes bella manipuli  
Nutrissent gestis carmina nostra suis.  
Moxꝫ ego sumpsissem illo narratore uigorem  
Qualem cum resonant, classica miles habet.  
At ea uix quoniam uulgò cantata per urbem  
Sensimus, haud nobis spiritus acer erat.  
Quamuis non querimur, quod te hæc absente canamus:  
( Omnis enim in te mens incaluisse potest. )  
Sed quia de tantis rebus, quam fama referre  
Nonnullæ, aut uulgus dicere posset, erant.  
Ignosces igitur nobis Auguste; tuoꝫ  
Carmina complacent nostra, fauore tibi.  
Sic utinam fælix Neleia tempora uiuas,  
Fæliciꝫ manu fræna Polona regas.  
Et te, siue Eous erit, siue Hesperus hostis  
Horreat, aut fuerit si quis amicus amet.*

*Tuæ Maiestatis*


*Fidelissimus subditus*

*Ioannes Stariconius Semusouius.*



# CONFLICTVS AD NEVELAM POLONORVM CVM MOSCHIS.

Auctore Ioanne Stariconio Semulouio.



Vo duce Moschorum, uicisti  
Auguste Tyrannum ;  
Et quo barbaricas Lechorum  
gloria gentes,  
Nilite terruerit : solesq; agno-  
rit Eoos :

Cum tutanda foret, posuisti Li-  
uonica castris

Terra tibi, & seruos Scythiae subducis Olympo :  
Hoc primum mihi surget opus. Tu numine sancto,  
Fac liceat nobis per laudes ire tuorum.

Annue conanti, & Pelagus mea carbasa tantum,  
Ingressura regas, felici sydere currant :  
Adscriptumq; tibi, non detestatus honorem :  
Nostra tuos faxis delectent liba penates.

Multa tibi, ante aras procumbet uictima nostras :  
Crescentis tantum, felix rege uatis habenas.

At tu Calliope, cætus Regina parensq;

Pieridum



Pieridum, cuius nigrantem carmine noctem  
Diis geniti effugiunt, Lethesq; obliuia uitant,  
Faucibus atque Erebi, superas toluntur in auras.  
Dic quis concordēs, fraterna in praelia gentes  
Excierit; tanti seriemq; ediffere motus.  
Nam meminisse potes, sis cum Dea: solaq; debes  
Si quid de te unquam merui, aspirare canenti.  
Attamen haud indigna peto, namq; Orphea Thracem  
Cum fidibus traheret syluas, & saxa canoris  
Iuisti, & uiridi uoluisti incedere lauro.  
Cum tibi nec sobolem Diuum, nec carmine dignam  
Materiem nisi agros, produceret Ismara tellus.  
Quare age & hos mecum heroas, quos inclyta uirtus  
Deuouet illustri patriam defendere morte,  
Ad superos tollas, uiuiq; per ora ferantur.  
Atque hinc iam tandem cæptis illabere nostris.  
Antiquo, Regina Deum inflammata furore,  
Unam olim gentem, fatis certare sinistris  
Permisit, patriaq; extorrem, & amoris egenam  
Dissecuit: Iouis ista fuit diuina uoluntas.  
Nam perhibent, Henetos Troia Pylemene profectos,  
Auxilium Priamo fidum, Phrygiaeq; tulisse;  
Atque diu Argiuas bello uexasse phalanges.  
Verum ut opes fractæ Phrygiæ, illorum optima bello  
Pars Antenoreas, naualiaq; arma secuta est.  
Pars nacli reges, animisq; opibusq; parati,

Intrauere

Intrauere solum Scythiæ, mistiq; Lachitis  
Sermonem patrium, mores, ritusq; sacrorum  
Excoluere, ipso sed subsedere Lachitis  
Nomine, sunt dictiq; omnes uno ore Poloni.  
Ex illis, iam tum ueterem Saturnia Iuno  
Temporibus, Troiæ natis prætere culpani,  
Et uersare odiu, gentem non cessat utranque.

Tempus erat, quo seuit hyems, atque aspera terras  
Frigora constringunt, gelidis conduntq; pruinis.  
Et rigidus Boreas, obnubilat aera pennis.  
Omnia cum torpent, nullos cum garrula Progne  
Nec Philomela soror cantus modulantur. & omnes  
Prælia producunt, nascenti uere daturi.  
Diuisere suas, sortes in Marte, phalanges  
Lechiadæ: & terno fines custode tueri  
Constituere: etenim faciendi copia Martis  
Nulla fuit, benè nec detentis uiribus unâ  
Prospæctum fore sperabant: cum bella Tyrannus  
Moschicus effugeret, timidusq; lateret in Ordis  
Vndique inaccessis conclusus fluctibus, atq;  
Sylvarum latebris; Tanaim prior ergo niuosum  
Maxima pars sortita: secunda Boristhenis ortus.  
Tertia Neuelæ montes, qui longius ullum,  
(Riphæos olim ueteres dixere poetæ)  
Vix nomen proferre sinunt, seseq; feroci  
Atlanti assimulant, aliquid nec cedere curant.



Hoc certò scimus, portant ceruice polares  
Circuitus, humeris duris, & sydera torquent.  
In præceptsq; darent subducto uertice cælum.  
Assiduus niuib; capita alta teguntur, opacas  
Pinea sylua premit frontes, horrentibus umbris.  
Vndique nimboſi quatiunt caua tempora uenti.  
Tum binæ laterum fauces, & brachia longo  
Exporrecta situ, rutilo qua Phæbus ab oriū  
Progreditur, Parthos nimia asperitate fatigant.  
Atque ubi, defessos stabulat, Thetis aurea, Solis  
Quadrupedes, immāni erructant flumina rictu.  
Rha prior Hyrcanis, cursu miscetur in undis;  
Lybonotum Tanais, qui diuidit Asida terram  
Europamq; petit: Nilo & contrarius æquor  
Impellit, seseq; uadis Mæotidos infert.  
Duna, Boristhenius, Zephyrum, solesq; cadentes,  
Prospiciunt, mollisq; calentia regna Fauoni:  
At ferus, ex rigidis postquam remorata lacunis  
Stagna Boristhenius retulit, Balihæa perosus  
Æquora, & Hesperios ignes, mundiꝑ teporem:  
Horridus ora gelu, curuis an fractibus, undas  
Vertit ab occasu, & Ponto sua cornua mergit.  
Excipit ignotus; fluuios sine nomine plures,  
Oceanus, ualido solidum qua concutit æstu.

Frigidus, immāne imperium, hos Septentrio montes  
Possidet, & nunquam uentorum uincula regis

Fert,

Fert, subsunt Aquilo stridens & Circius illi  
Cum quibus Aegæum uastat nunc horriſer æquor,  
Nunc ſibi uicinas, prædo decurrit in oras;  
Quandoque incubuere mari, atris Cycladas undis  
Transmittunt, tortoq; inuoluunt uortice Pontum.  
Haudq; ulli, contra eſt animus ſe opponere uento.

Ad Balearis erat, bis ſex peninſula fundæ  
Verbera, proſpectans montes gratiſſima mergis.  
Montibus hanc, leni decurrens gurgite riuus,  
Undique numerat, tacitè ſtagnantibus undis;  
Nec limoſa palus penetrare, nec ulua paluſtris,  
In latera, & tergum cuiquam dabat; ora patentes  
Attactu campi modico, ſinuoſa præmebant.

Hunc delecta manus, quingenti mille Poloni;  
Elegere locum, tutandis ſinibus aptum;  
Auxilio cuius nixi, ſi occaſio pugnam,  
Vel ſors ulla daret, leto conſligere poſſent  
Fine; nec aduerſo lites decernere Marte.

Quo poſtquàm Leſnouolius concluſerat agmen;  
Perpetuis, fluuii ripas communiit omnes

Curribus, & nodis currus connexit ahennis.

Dux Colophoniaci, ſacro celebrandus Homeri

Carmine; noſtra eius neſcit proferre Thalia,

Laudes, atque ſuos ſentit frigere neruos.

Ergo, tanta meas ſuperet cum gloria uires,

Laudibus illuſtres dignis fruſtrabimur? abſit.

Ast ut erit, certè primis contingere labris  
 Adnitemur, equosq; suos agitabimus inde,  
 Talibus in campis, dederint si uiuere Parca.  
 Non illum Bachi tristes uidere cohortes.  
 Nec Cytherea, tua quamuis pro gente periclis  
 Militat assiduus, circumscripsisse coronis  
 Quiuisti, ut primum uiridem accessisse iuuentam  
 Concessum fuerat, patrium de pectore toto  
 Vile prospectat, patriæ se agnoscit alumnum.  
 Ipsi Masouii, nam ciues omnia ciuis  
 Facta sciunt dicant, quantos ope iuuerit; arma  
 Nos canimus, gesta armati dicemus: ab annis  
 Prima, quibus iuuenis fidens ad bella, sarissa  
 Prodierat, teneræ magno, documenta iuuentæ  
 TARNOVIO ediderat; primus contundere turmas,  
 Aethereasq; arces, salu superare solebat.  
 Ante, Starodubi, somitum cornicinis, ingens  
 Euertit uallum, sociis adituq; parato  
 Primus in hostili muro, bis, terq; repressus  
 Emicuit; tantumq; sua uirtute ruentes,  
 Detinuit Moschos, donec custodibus arcis  
 Cæsis adueniunt diuersa parte secuti,  
 Effringuntq; aditus socii, murosq; dolabris  
 Si comitem Aeneæ hunc, tellus Idæa dedisset,  
 Argolicas quando fossas seruasset Oileus?  
 Ast ubi Lechiadum terris, inuictus Achilles

Tarnouius



TARNOVIVS, iuvenile uidet roburq̃, decusq̃,  
 Sedulus in tenero, maiores pectore uires  
 Incipit, atque ausus solers nutrire uiriles.  
 Vnde illi pietas, grauitas, prudentia, uirtus,  
 Et similis fortuna, nec impar gloria belli.  
 Vidimus ex spoliis onerantem, summa Tonantis  
 Culmina, Moschorumq; sacrantem amenta, Polonis  
 Cum clypeis, & gesa, penatibus, & magnis Dys.  
 Vidimus in medias, nullo discrimine turmas,  
 Orfica, dum tristi quaterentur, littora bello,  
 Turbatum, Lechorum Aquilas & signa ferentem.  
 Sed quid multa moror? ueteresq; recenséo laudes?  
 Cum memorare iubet uires Neuela recentes?  
 Quingentis & mille uiris (credibile nunquam)  
 Confregit Boream, fines statuitq; paterno,  
 Caucasium pelagus regno; primusq; superbum  
 Liouum Boream potuit spoliassé trophæis.  
 Res miranda quidem, si non munimine tanto  
 Agmina uallasset, si non porrecta magistri  
 Pocula, uirtutisq; manu, sortisq; bibisset.  
 Sed te magne senex, rapuere aduersa, Polonis  
 Fata tuis, uictor liquisti signa, tuosq;  
 Pugnarum socios; utinam natura dedisset,  
 Vitales cerpsisse tibi diuturnius auras;  
 Non magè diffusis, per nostros Moscus habenis  
 Iret agros, prædaq; ferox ditaret inulta,

Plaustra Scythes : nec iam toties Neptunia proles  
Rex Gothicus , quateret Liuronos ariete muros .  
Verum ulirò , celsis in puppibus arma Poloni  
Venissent Regis, Torilæ ad mœnia ; & atrox  
Tartarus obstreperet uictrici compede genti.  
Iamq̃ diu nostris parere coacta fuisset  
Imperius , telus magno regnata Vasillo .  
Et si qua est gelidi gens barbara conscia Ponti.  
Heu quantum potuit rerum hoc ductore parari ?  
At uos progenies , patriæ spes maxima uestræ ,  
Progenies Lesnouolii, non stemmata tantum,  
Non titulos spectate patris , uestigia certè  
Vos eius seruasse decet, si nomina uultis  
Excelsis æquare polis ; sua credite namque  
Nobilitat uirtus melius , propriiq̃ labores .

Atoschus ubi unitas, certis rumoribus audit,  
Lechiadum uires , partito milite terras  
Vndique præclusisse suas : spem pectore uanam  
Concipit , & certum studio meditatur inani ,  
Se fore uictorem : ac tandem delere Polonos  
Posse putat bello ; toto ex Aquilone Tyrannos,  
Imperium qui ferre suum , mandataq̃ semper  
Consuessent cogit , belliq̃ incendit amore.  
Addit Tartaricam rabiem , qua Persidis aurum  
Obtinuit , nigroq̃ olim Lagæa Sefotri ,  
Imperia eripuit ; rigidos huic insuper omni

Præponis

Præponit *Atoscos*, quos mille laboribus ante  
Functos reddiderat, per cuncta pericula belli  
Inuictos, *Scythiamq;* quibus seruire coegit.  
*Martius* est ollis animus, nil dignius omnes  
Esse putant, bello quàm dulcem ponere uitam.  
Sæpius in triduum producunt gutturis ignem,  
Carnibus assidue (mirum) uescuntur equinis.  
Continuum tolerant frigus, uix lampada *Phæbi*  
Agnoscent, iuuenesq; gelu sua corpora durant.  
Vxores semper, syluas indagine cingunt:  
Infestisq; domant acres hastilibus apros.  
Primò pennatis tantum pugnassee sagittis,  
Illorum usus erat, pugnasq; iniisse choreis:  
Nunc hostes contrà, fulgentes ære phalanges  
Ducunt, scloppettisq; edocti bella fatigant.  
Dexteram *Amazoniis* utranq; , bipennibus armant,  
Loricæ triplici, circundant pectora ferro.  
Ceruices onerant, pinnata casside, suras  
Cruraq; squammoso uelant munimine ferri.  
Fraxineis omnes committunt prælia contis,  
Hostiles clipei conatus orbe retardant.  
Ergo ubi conuenisse uidet, rapit agmina cursu  
Lymphato solus; surgentes uertice cristæ  
Letantem humano, designant sanguine regem.  
Qualem depingit, radiantem cauda cometam  
Lucida, sanguineos conos, extrema minantem

*Imperiis*



Imperiis, terrisq; notantem luce ruinas;  
Myriades ternæ ductorem ponè sequuntur.  
Ille uiam ingreditur, Boreæ qua semita monstrat  
Regna, suas seruatq; ubi Lefnouolius oras.  
Credere si Graiis fas est, non tantus Achilles,  
Mirmidonum Dolopumue manus, cōtrà Hectora duxit.  
Quo ruitis ciues? quæ uos insania tanta  
Torquet? ut in proprios iuretis ferre parentes  
Arma, nec hoc scitis quidnam discordia portet?  
Iungite amicitias, & certo fœdere certam  
Nobiscum firmate fidem, Simoenta paternum  
Progenies sic nostra bibet, quæ & territat armis  
Nos, dederit uictas nobis uicinia palmas.  
Iam uicinus erat, longumq; emensus agebat,  
Agmen, iter, Boreæq; implebat milite campos.  
Cum nox Oceanum linquens, horrentibus alis  
In terras progesta, inuoluit cuncta tenebris:  
Instantesq; neces, erepta luce, morata est.

Intereà longum, deflens Citherea dolorem,  
Hæc secum: rapitur funesta in prælia Iuno?  
Tertiaq; arma parat iugulos cæsura meorum?  
At me iam tandem, duo sat uidisse superq;  
Non erit excidia? haudq; instanti posse periculo  
Troiuigenas iuuisse meos? hoc quippe uetabit,  
Et soror, & coniunx, nostri Saturnia patris.  
Alius promissa ruent? matrona Tonantis

Omnia

Omnia diſſuerit ? cædesq; impunè nefandas  
Miſcebit ? tanta huius erit fiducia lecti ?  
Illa poteſt Lybiam , contrà omnia fata Deorum  
Gentibus imperium firmare , extollere uentos ,  
Cum terris miſcere polos , promiſſa Tonantis  
Frangere , ſupremas rerumq; inuadere habenas .  
Progenies ego chara Iouis , cui gratia cæli  
Imperium ſine fine dabit , ſeruare nepotes  
Non potero Troiæ ? me permittente ſubibunt  
Vincula ? mox illos inimicus & hauſerit enſis ?  
Indignum . dedimus pœnas , iam uiribus inſtat  
Hora repellamus uires , promiſſaq; regna  
Queramus , pœnas pœnis ſolemur ouantes .

Talia ſtammato dictanti corde , ſub imos  
Conceſſit Zephyrus talos , ſyluiſq; relictis  
Idæis , celeri Lechorum caſtra uolatu ,  
Contigit , & pondus poſuit de mollibus ulnis .  
Diua ſolo ingreſſa , in caſtrorum fronte , ſedentes  
Primores belli ( ſpacioſæ tempora noctis  
Excubiis uigiles , uario & ſermone trahebant )  
Inuenit : in quorum medio , ſacra ora reſoluens ,  
Sic Leſnouolum uerbis compellat amicis .

Ductor Lechiadum , uicinos milite campos  
Hoſtis habet captos , totoq; Aquilone Tyrannos  
Secum in bella trahit ; ſac ne te terreat ingens  
Confluxus , Martem nec detrectare memento .

Pone

*Pone metus adero , nostrisq; hæc bella gerentur  
Viribus ; in te habeat belli uictoria solo  
Principium ; mea regna tuis promissa lacertis  
Seruabo ; inuitis aliisq; resurgere Troiæ  
Pergama perficiam ; uos digna nepotibus Idæ  
Pectora habete , suosq; patres referatis in armis .  
Dixit : ad hæc contra Dux sic est ore locutus .*

*Aeneadum mater , semper tua fata secuti  
Fortunamq; patres nostri , considerare in ignes  
Ilion , atq; altæ uidere palatia Romæ ;  
Iactatiq; undis , & longi turbine belli ,  
Tandem subiectas oras petiere Bootæ .  
Imperium , peperere Ducum quod mille labores ,  
Constituere , Deorum nec nos numina fallunt ;  
Nam promissus adest , spoliis Aquilonis onustum ,  
Quem læta aspicias , quemq; inter sydera ponas  
Augustus ; tu Diua eius tueare fauore  
Excelsum nomen , magnoq; æquato parenti .  
Nec nobis deerint uires ( sit numina contra  
Quamuis ire nefas ) super in certamina , regno .  
Quingentem Eſperio prognata è sanguine , magnos  
Virtute Heroas , superare uidebis & armis .  
Nec gens ullæ pari se se iactabit honore .  
Tu modo noſtrarum tantum ſis unica rerum ,  
Spes uideasq; dolis ne nos illudat iniquis  
Iuno : etenim nulla eſt nobis arcana poteſtas*

*Noſſe*



Nosse Deum, uix sunt nobis mortalia curæ.  
Quantus & unde ruat, sit ubi, cognouimus hostis  
Surgentem cælo auroram expectamus, inert  
Oppressum torpore, alto uinoq; sepultum  
(Turba licet non magna sumus; nec temporis arma  
Ignorem, quantum ualeant; & nemo dolumus  
Virtutemue requirat in hoste) inuadere nobis  
Non libet; imperium nam prolatare Deorum  
Artibus haud spero belli, nec fraude dolosa,  
Augusti auspiciis uerum coruixus, Eous  
Sol ubi prodierit, cum sese uiribus ipse  
Centusum noscet, campo congressus aperto  
Bella geram: partes tu sola tuebere nostras,  
Optatasq; dabis tandem contingere portus.

Sic Lefnouolus; Placuit generosa propago  
Idaliæ matri, subitoq; incensa futuri  
Ignibus imperii, atque arrecta cupidine laudis,  
Omnia pollicita est: & iam sublimis Olympo  
Luna regebat equos: rediens cum nubis opacæ  
Cernere ne hostis eos, tutoq; quiescere noctis  
Extremum possent, atro conclusit amictu.  
Strymona sola petit uelox, ubi belliger acres  
Sythonios At auors duris exercet in armis.

At Lefnouolus, maturi pectora belli  
Præscius, oppressas somno, rauco ære cohortes  
Conuocat: & ualli medio sic de aggere satur.

*Lechiadæ magni, celfo qui à sanguine Teucrum  
Progeniem ueſtram deducitis, hoſtis adeſſe  
Dicitur immenſus, toto quem Aquilone Gigantes  
Centimaniq; immanes, gens Riphæa ſequuntur;  
Non uallum munire placet, nec turribus illum  
Expectare cauis, ſed aperto fidere campo.  
Quandoquidem diuum remanet non mota uoluntas,  
Sceptraq; iam tandem uobis, promiſſa propinquant,  
Troianas ubi opes, atque altæ mœnia Romæ  
Conſolemur, & æternis potiamur habenis.  
Namq; per obſcuram uoluo dum plurima noctem,  
Ecce mihi ante oculos, cælo delapſa per auras  
Aſtitit, atque iſtis fata è Citherea loquellis.  
Parce metu populi noſtri fidiffime ductor  
Nos Henetos Troia incenſa, deduximus oras  
In Scythiæ; nomenq; nouum mutare paterno  
Fecimus, & magnos fieri, Lechosq; uocari.  
Idem prognatos illa de ſtirpe nepotes,  
Inſignes belloq;, togaq;, ſub aſtra feremus.  
Imperiumq; illis dabimus: modò ſtenuus hoſtem  
Aggredere, & paruum belli ne linque laborem.  
Hæc poſtquam monuit genitrix, ſuper æthera cœli  
Progreditur, circum aura leuis glomeratur in orbes,  
Diuinumq; ſimul latè diffundit odorem.  
Quare agite ò ſocii, totis incumbite neruis,  
Efficitote ferox, patiatur Moſchia tandem*

*Iura Polonorum , nec quæ festina sub alas  
Confugit quondam nostras , ingrata Deorum  
Excuiat regnum ; promissis sistite Diuum  
Spem totam , sic uos magnorum forma Gigantum  
Nunquam terruerit ; mihi cuncta pericula curæ  
Sint adero , uestræq; aderit clementia matris .*

*Excepere animis læti , signumq; dedere  
Sublato clamore pari , promissa paratos ,  
Velle sequi ; & quamuis non æquent agminis ulla  
Diuisi hostilis partes , tamen intima corda  
Lætantur , decoris pretioq; pericula pensant .  
Dant epulis reliquum noctis , firmantq; ciborum  
Corpora dulcore , instantes sensura tumultus .  
Arma parant , manibusq; onerosum gæsa duabus  
Expediunt pondus , clipeis uelamina demunt .*

*Nec minus intereâ , curis Saturnia Iuno  
Distrahitur pectus , uictam se noscere non uult  
Inuisamq; cupit pœnitus subuertere gentem .  
Dant animos , magni coniunxq; , sororq; Tonantis  
Nomina ; nec Diuam mortali , iudicat æquum  
Cedere , & infecto primam desistere bello ,  
Illudq; intulerit , recta ratione reuoluit ,  
Non fore uirtutisq; Deæ , nonq; eius honoris .  
Prætereâ , stimulant gentis peccata parentum ;  
Iudicium Paridis , neglectaq; pocula natæ ,  
Et genus inusum , & uictæ Carthaginis arces .*



*At oscula castra subit, pigri submersa sopora  
 Instillatq; uiris altum per membra uigorem,  
 Corripit ante alios Regem. Sic ergo Vassilli  
 Quem decuit uigilasse (inquit) torpore solutus  
 Procumbis? nec quid, cura circumspicis hostis  
 Intendat fraudis? dudum te inuadere tentat  
 Fecissetq; scias, ni illi mea cura resistat.  
 Surge agè, continuoq; ista statione relicta  
 Duc in bella uiros, Lechorum aditure triumphos.  
 Sic Dea. Nos Regina tuis in uiribus omnes  
 Moscus ait, quia sola potes pessundare Lechos  
 Lechorumq; Ducis conamina frangere, uires  
 Fiximus; idcirco noctis transegimus horas  
 Obscuræ somno. uirtus sumus optima bello,  
 Quò sequimur trahis, & nos nulla pericla morantur.  
 Sic ait, armariq; acies clangore tubarum  
 Præcipit, armatasq; iubet conscendere campos.  
 Iamq; polo surgens, populos emensus Eoos  
 Lucifer: æthereas, bigis afflarat anhelis  
 Compages: Lunæq; globum, Titaniaq; astra,  
 Exirent cælo, maiori luce monebat.  
 Præcipiti cursu, uirgo Lathonia uultum  
 Condidit, instantesq; oculus se cernere fassa est  
 Nolle neces, cunctisq; simul comitantibus astris  
 Orbatas Phæbo, uelox concessit in oras.  
 Segnius ille suos agitabat cursibus axes,*

Eooq̃ piger firmarat, limine tristes  
Quadrupedes, Moschi prænoscens pectore cladem.  
Atque morabatur uenturæ lucis habenas.  
Sed lex à magno, quondam præscripta parente  
Impendensq̃ orbi interitus, si lampada terris,  
Subtraheret sanctam, nequicquam tale dolentem  
Corripuit, ueteresq̃ artes explere coegit.  
Iamq̃ emergentem, non dulci lingua susurro  
Excepit: uolucrum, cantu Pandione nata  
Nec patriis, ut moris erat, prædixit Athenis.  
Eumenides ortum cecinerunt, colla dracones  
Horribiles, dirumq̃ atris sonuere flagellis.  
Luctus habet Boream, uenturæ & præscia cladis  
Numina Moschorum, tectis uenerata sub imis  
Indigetesq̃ Dii, implerunt ululatus axes.  
At non audaci cessit spes corde Uasillo:  
Et concepta semel, totos peruasit in artus.  
Agmina solus agit, solus dispensat ubique  
Martis onus, latera & frontem nunc terga reuulsit.  
Serrebnî dextras acies, Ediga sinistras,  
Postremas Suscus, ductant: cum robore primo  
Solutus adest medius, galeato & uertice supra est.  
Thessalicis ueluti, circum conclusus Olympus  
Montibus hinc Pindo, Herculeo illinc finitur Oeta  
Inde Othry, Rodopeq̃, tenus modo corpore cunctis  
Aequatur, collo subiecta cacumina uincit,

Infunduna

Infundunt sese campis , cooperta laborant  
Prata , suasq; uices desilent , sub mole phalangum .  
Qualis ubi Eurotas ruptis furiosus habenis ,  
Vicinos Gythi lauros , ex litore sæuos  
Emittens fluctus , inuadit : turba Laconum  
Flet clades nemorum , & ueteris reminiscitur oris .  
Non aliter Ætoschi celerant : clamoribus implent  
Omnia , conuincuntq; polos clangore tubarum .  
Tympana barbarico , castigant more , trucesq;  
Addunt , Lechorum quò , ululatus , pectora uincant .

Quod postquam Lesnouoli compulsus ad aures ,  
Pertulit inuoluens iteratis orbibus aer ;  
Dat belli sociis signum ; de sinibus omnes  
Absque mora exiliere suis : ceu Sirius agros  
Cum malus exurrit , certatim se agmine longo  
Formicæ effundunt , putris radicibus imis  
Arboris ; in dubiis quas cogit rebus egestas  
Consulere : it campis miles , nitidusq; iuuenta  
Feruet , & optatas auertere sperat aristas .  
Ductores acies cogunt , præcioq; minisq;  
Non cessant stimulare moras , & inertia corda .  
Haud aliter galeata phalanx , ad tympana passu  
Composito , uarios sese miscebat in orbes .  
Dum totis furibunda coiret in agmina castris .

Quadratam primum , ueterano milite frontem  
Constituit Lesnouolius , sæuo ære rigentem .  
Hinc breuib; spatiis , distinctas ponè cohortes



Tres locat, exhaustos laxis quæ uiribus omnes  
Exciperent, possentq, locos explere priorum.  
Postremas firmant partes, qui bella secuti  
Tunc primum, Moscho decorare, cruore sarissas,  
Et molles cunas, posuisse in Marte uolebant.  
Cornua lunatis cuneis, frænata tenebant  
Agmina; utrumque latus, claudebat torua phalangis  
Gens peditum, emissis asueta incessere Martem  
Glandibus, atque elibratis pugnare colubris.  
In medio binas Aquilas, insignia Regni  
Ponit, pugnarum certas Helicesq, Ducesq.  
Tales Herciniis, diductis cornibus Vri  
Salibus, opponunt frontes hastilibus atras,  
Propendet collo uellus, terrorq, iubarum.

Atque ubi produxit posuit in bella phalanges,  
Agmine sic medio, nixus profatur in hastam.  
Tempus adest socii, uestris quo regibus omnis  
Moschia succumbat, diro & cum sanguine pœnas  
Perfidie soluat; pulchrum est imponere collo  
Hostili chalibum nodos: si uiribus altis  
Incumbetis erit, uos & uictoria Moschis  
Præponet, uestrumq, benigna tuebitur agmen.  
Frigidius uerò (hæc auertas ominia Diuum  
Magne pater,) Martis si horrenda subibitis arma,  
Quis locus extabit profugis? an in æquora classes  
Montibus Idæis ortas, deducere primum

Velletis

*Velletis, uentis adituri regna Latini?  
Tunc demum rueret, laxis Saturnia frenis  
In uos, exigeretq; suae Carthaginis arces  
Hannibalisq; necem, ueteriq; adiungeret irae  
Aegatum clades; heu quanta pericula nostro  
Impendent capiti? Moschis ueterata mouebit  
Taurus, Connossum, atque crepta Liuania tota,  
Certè odia, euerso nisi nec desistere regno  
Vlcisci poterunt, belloq; imponere finem.  
Ergo progeniem, famulatum matribus atris  
Moschorum loris uinctam, ire sinetis ahenis?  
Regnaq; clementum, promissa aeterna Deorum  
Numinibus, prodetis uestra ignauia? id ipse  
Crediderim, uestris si non iam mille lacertis,  
Occubuisse probè Moschorum examina scirem.  
Verum sufficiunt animos, tot bella labore  
Vestro successus, nimium sortita secundos.  
Nam quid Obertinum, tantis ubi uiribus ingens  
Bessarabum (fuerat uiginti è millibus) agmen  
TARNOVII ductu, uestris cecidisse sub armis  
Fecistis memorem? quid tot concisa sub Orsam  
Millia? quidq; Starodubum? prius alta redibunt  
Ceruleis in terga uadis, ortusq; requirent  
Flumina: conuersisq; petet conuersus Eoum  
Phæbus equis, hæc quam tristis rubigo uorabit,  
Ullæ TARNOVII capient obliuia laudes.*

Cur igitur timeam? uestris nec fidere possum  
Viribus? aut longè cogar spectare minores?  
Hostis adest toties uictus, uos semper adestis  
Victores, illum regnandi dira cupido  
Extraxit latebris, patriæ uos impulit almæ  
Altus amor, prohiberetis quò in uestra ruentem.  
Agnoscat certè uires, & robora gentis  
Illæ suæ, ternam in quingentos mille (pudendum)  
Myriadem ducit: sed desperasse uidebor  
Iam uobis socii. Non uos deterreat horor  
Barbaries: uestram monitis spem figite diuum,  
Gestorum memoresq; priorum, frangite tandem  
Moschorum regnum, uestro & supponite Regi.  
Vos autem iuuenes, Martis qui munia uultis  
Aurectare manu, Moscho curate Gradui  
Sanguine perfusi uestras ostendere peltas.  
Maiorumq; secuti hylares uestigia, tandem  
Pro meritis similes nostris speretis honores.

Vix ea fatus erat, curuis umbonibus omnes  
Increpuere, & opaca statim caligo refulsit.  
Apparent cunei hostiles, & barbara Moschi,  
Agmina, ceu densis quæ obnubilat aerea guttis  
Nubes, & superant numerorum milite fines.  
Mirantur Lechorum animos, qui credere campo  
Conentur, tantæq; uelint occurrere genti.  
Præcipuè ante alios, tristi intonat ore Uasillus



Se dedant , animiq̃ ferocia fræna retardent :  
Montanus ueluti diffidens uiribus agmen  
Ante lupus pecoris uiso custode Molosso  
Infundit sub corda metus ululatibus , atque  
Se terrore gregem fracturum credit inani .  
Verba ubi nil fecisse uidet , præcordia dira  
Concitus sanie , prælongo fata quid , inquit ,  
Lechorum socii ? saluis se dedere rebus  
Nolunt , deuictis certè spes nulla salutis .  
Irruite , & casos , flagris compellite Moscam .

Obstrepuere simul , discordi cornua cantu ,  
Tympanaq̃ & litui , simul hastis undique flexis  
Concurrunt : Martemq̃ atro clamore lacessunt .  
Sub pedibus mugire solum , collesq̃ propinqui  
Sunt uisi , ingenti mimitare fragore ruinas .  
Haud secus , ac Boreæ si cum uiolentia flantis ,  
Ærias stridore Alpes inuasert , orni  
Verticibus summis nutant , siq̃ acrius illis  
Incubuit , montis media cum mole deorsum  
Procumbunt , casuq̃ obiecto colle reperto  
Dant sonitus , reboant totius uiscera terræ .  
Iamq̃ uirum fremitus , & tetris fulgura bombis  
Elibrata tonant , tanquam compage soluta  
In deforme chaos , rueret si machina cœli .  
Missilium turbo , uolitantesq̃ astra sagittæ  
Subtexunt , clypeisq̃ frequentes ictibus instant .

*Ut crepitans, noctu cælo demissa patenti  
Grando, ferire solet summi fastigia tecti.  
Ductores acies, hinc Lesnouolius, illinc  
Moschus agunt, Martemq; crient clamoribus ipsi.  
Incumbunt socii, & qua sunt densissima tendunt  
Tela, hostemq; licet per uulnera colligit omnis.*

*Primi acies medias Moschum Sennauius, atque  
Potocius turbant, leuum Sborouius acer  
Sortitur cornu, dextrum Olesnicius hostem.  
Nec mora prostratis primis, diuersa repente  
Alea procubuit, certum discrimen utrosque  
Diuidit, & uictus se succubisse fatetur.  
Lætior aſt Lechum partes fortuna tuetur  
Cadere coguntur, magni uexilla Vafilli.  
Si tali quatuor tauros, ardore leones  
Inuadunt, Martem certè non acrius urgent,  
Sed maiore, datum est uobis superare labore,  
Lechiadæ Moschos. Non solos tanget Atridas  
Iste dolor, uos & fortem noscetis Achillem.*

*Moschus ubi fractas, audit cecidisse phalanges,  
Tygribus horridior, rapidisq; citatior Euris,  
Irruit in medias, furibundo & personat ore.  
Non pudet ignaui pedibus uos fidere? quos iam  
Hactenus hostiles, decuit uincire lacertos?  
Ne duce commoneo, me me conuertite turmas.  
Hæcq; ubi: pugnantes onerat regalibus omnes*

Pollicitis , claua increpitat quatinode morantes .  
Solutus & ante alios , prætenta cuspide , cursu  
Sennauii in cuncum , fodiens calcaribus armos  
Torquet equum , totumq; impleuit cædibus agmen .  
Et socii subeunt , iterumq; incepta capeffunt  
Prælia : pars aliis sudibus , pars cæstibus instans .  
Hic cerebro maculat terras , illi inguina ferrum .  
Haurit , & effuso uitam cum sanguine perdit .  
Pars humeros mutilata iacet , pars altera telis  
Obruta , sanguineos attollit stragis acervos .

Hæc eadem totum cædes , peruasferat agmen ,  
Potocii , multisq; ducem , spoliarat amicis ;  
Stat tamen , & referens cæsos , sese hostibus offerre  
Intrepidusq; iniustum exercet in æquore Martem .  
Ac ueluti annosam , Zephyrum uiolentia , quercum  
Productis ingentem humeris , si euellere tentat ,  
Frondosos tantum proscindit corpore ramos ,  
Illa immota manet , nec scit molimina Cori .  
Dat leiho Haurilona , prior qui inuadere Lechum  
Agmina conatus , socio tepefecerat hastam  
Sanguine , pollutaq; ornu se uictor agebat .  
Mox ruit in cuneos eius , totosq; pererrans  
Fedconem , Costumq; , & Agam , prima agmina Moschi  
Stermit , & æquata sociorum lance rependit  
Funera ; multorum rutilo , præcordia ferro  
Induit , & rigida auellit cernicibus ora .



*Siq̃ Deum factis, componere nostra licebit:  
Cum Phlegrea manus, conferret Pelion alto,  
Cælicolasq̃ omnes, infanda in bella uocasset;  
Quantus in Argolicis, in prælia rector Olympi  
Surrexisse notis legitur, congestaq̃ telo  
Pondera, in authorem uertisse Typhoea; tantus  
Potocius, postquam Moschum super agmina latè  
Incidit, ingentes rigido dedit ense ruinas.  
Non etenim minor Oceano, cum horrentibus undis  
Ingruit, & longè populatur littora, fertur.*

*Parte alia, Moschum quoque rapit impetus acrem,  
Lumine peruigili seruat Sennaius; atque  
Illum exultantem, cæsisq̃ indigna mouentem  
In medio speculatus ait, tum impunè meorum,  
Hinc Lucos comitum spoliis oneratus abibis?  
Hoc si fata uolunt, me etiam tuus auferat ensis,  
Si nos regna manent, cæforum hastile reportet  
Hoc à te pœnas: simul alta amenta resoluit  
Cuspidis; illa Noto citius per mane uoluta  
Dira penetrasset, lethali pectora ferro,  
Aeternamq̃ uiro peperisset uulnere laudem;  
Sed fatum impendens Moscho, Saturnia Iuno  
Auertit, dexteraq̃ in partem missile flexit.  
Fortè ibi Sachmates, Martem mucrone ciebat  
Regulus, & Moscho consanguinitate propinquus.  
Astrabanensis homo, pelagi qui cuncta regebat*

*Littora*

Littora Caneasii, felix si in praelia nunquam  
 Lechorum exisset: nam robur pertulit ictum  
 Hucusq; , inter & armati sese ilia totum  
 Condidit: ille miser peregrina morte peremptus,  
 Defluit in terram, & Scythicas reminiscitur Ordas.  
 Iamq; aliud dextra emissum Sennaius, alto  
 Librarat telum, Moschumq; infestus adibat.  
 Imparibus postquam, cernens matrona Tonantis  
 Viribus, audaci Regem occurisse Polono,  
 Clamorem ingentem simulat, totumq; teneri  
 Hostiles tergum cuneos, rumore sub aures  
 Pertulit illius, lapsis succurere rebus  
 Festinare iubet solum; sic ergo reflexo  
 Quadrupedis cursu, turmarum praelia frontis  
 Deserit, & fatum iam iamq; elabatur instans.  
 Protinus at femore educto Sennaius ense,  
 Quo nam Mosche fugis? nostros ne sperne triumphos,  
 Hac tibi, constiterit credas uictoria dextra,  
 Inuehitur celeri in Moschorum examina cursu.  
 Quarentiq; Ducem, iaculis quem inceserat ante  
 Et spoliis uictor comitum exonerasse uolebat,  
 Obycitur, Seueræ præses regionis, Iuanus.  
 Inclita progenies Boreæ, qui ex ordine longo  
 Lapeto referebat auos, prognatus Alano.  
 Hicq; ubi Sennaium, se contra tendere uidit,  
 Ingentem totis coniecit uiribus hastam,

Obuiat

Obuiat ille , pacisci & uult pro laude salutem .  
Iamq; emissa diu , ualido perfregerat ictu  
Fraximus umbonem , obstruxit lorica meatus  
Vtterius , textitq; frequenti pectora ferro .  
Immotus tanto penitus discrimine , missi  
Sennauius , super , eludit conamina teli .  
Accurrensq; celer , gladium pugnantis in ore  
Abdidit , & latebras animæ trans robore fodit .  
Nil olli Iapetus proauus , nil Terra genitrix  
Profuit , infelix animam sub Marte profudit .  
Si quoderit mortis decus , & solamen humandi ,  
Se sciat , inuicti dextra cecidisse Poloni .

Te quoque Moschorum uiderunt , Osga manipuli  
Vulnera dirigere , & primas subsistere telis ,  
Funeribusq; acies : felix tua dextera bello ,  
Et factis generosa domus , quæ Tauricæ pestis  
Influit , atq; Hypanis salibus uiciatur amaris .

At Lesnouolius , correpto milite dextro ,  
Addensat primas acies , totumq; pererrans  
Agmen ait , pugnate uiri , nec cedite campo .  
Solutus equi duos remouens ex ore lupatos ,  
Immiscet sese Moschis , clamore Tyrannum ,  
Exposcit , solumq; dari sibi sydera uotis  
Aggrauat , & cædes sociorum in pectore mussat .  
Qualiter Arcadicis , si forte est ursa sagittis  
Mœnalis icta , celer pertransit lina plagarum ,

Vulneris



Vulneris autorem quærens, qui quando negatur  
Corde coquens bilem, laniat crudeliter omnes.  
Sic ubi subductum, non cernit in agmine *Atoschum*  
*Lechiadum* ductor, sociorum sanguine cæsis  
Sacra facit, fuso placans libamine manes,  
Heu regum agricolæ, quàm soluunt sæpe furores?  
Principiò iuuenis lethali funere *Hrysco*  
Sternitur, hunc æquis comitatus passibus *Ilco*  
Consequitur: fratres ambo, uiridisq; iuuenta.  
Ambo uixerunt simul, in complexibus ambo,  
Oppetieres ac ulterius producere uitam  
Nolebant, pacti hoc secum, si debita *Parco*  
Stamina rupissent cuiquam, nec fata uenirent  
Alterius, sociam properaret uulnere mortem.

At *Ophcina* pater, nec iam pater, utraque cernens  
Corpora natorum, poteras me perdere, dixit,  
Quisquis sis hominum hoc leibo: sed desine tanto  
Nos terrere obitu, referam si pectore uires  
Nam nosces, uel si doleam cecidisse *Vasilli*  
Progeniem auspiciis: tantum præfatus in ornum  
Incubuit, cursuq; cito desertur in hostem.  
Huic contra *Lesnouolius*; periuria *Atosche*  
Constabunt tanto uobis, uestriq; *Vasilli*  
Auspiciis pereas, genitor nec desere natos,  
Dixit: & obiectu clipei, infestam excipit hastam,  
Ophcinæq; latus, chalibum quæ iungere partes

Consuerunt

Consuerunt, magno lacerant uulnere læuum.  
Flexo mox iterum cursu, contrà ambo feruntur,  
Ingeminantq; ictus telis, mortemq; laceſſunt.  
Hic Lesnouolius, manibus librare paranti  
Alcius, eductis ingentem utriſq; bipennem,  
Traicit (influxum patuit tum forte cruorem  
Ore uomens uulnus) diro præcordia ferro.

Purpuream ille animam, geminato ex uulnere fundit,  
Atq; super geminos, moritur ſua pignora natos.

Maſoui interea, abſq; ullo discrimine pugnae,  
Et Roxana phalanx ſubeunt, nouus ingruit horror.  
Glandibus emiſſis, prorumpunt agmina Moſchum,  
Excubiſq; furit duris Graduius habenis.

Vndiq; funebres lachrymæ, gemitusq; cadentum  
Impellunt aures, dolor undiq;, & undiq; mors eſt.

Victores uictiq; ruunt, ſaluare ſalutem  
Quà poſſent, ignota fuga eſt, inuadere totis  
Viribus obnixi pergunt, & uulnere mortem  
Oppetiſſe magis curant, quàm cedere campo.

Non ſecus oppoſitos ueſana ſuperbia uentos,  
Sæua in bella rapit, qui quando ex parte polari  
Auerſa coeunt, conuulſo cardine cælum

Præcipitare ſtudent potius, quàm horreſcere uires  
Alterius, nimia ſeſe formidine prodant.

Stabat ab oppoſito, hirsuto Mæotidis urſæ  
Tegmine, terribilis Battus, dupliciq; pharetra,

Colchica progenies Battus, cui cornua lunæ,  
 Dum libuit seruire, poliꝫ relinquere sedem.  
 Nubila, quin etiam luce induxisse serena,  
 Dicitur, atque eadem magicis pepulisse uenenis.  
 Sepe gradum Phasis tenuit mandante, feroxꝫ  
 Caucasus intremuit, maria atque insana quierunt.  
 Hic dum bella calent, acies aconita sagittis  
 Miscuerat uirosa suis, stygioꝫ liquore  
 Feruenti, rigidum decies tepescerat ensem.  
 Quoquo illum furibundus agit tantum impetus, omnes  
 Prostermit, scuisꝫ simul lethale uenenum  
 Vulneribus miscet: nullus Phlegetonta Carontis,  
 Non adiit, lembo translatus, acumine ferri  
 Quem solo læsit, capitiꝫ extrema momordit.  
 Talis Thisiphone, medio cum surgit ab orci  
 Eumenis, afflatu uirus perfundit Achantis,  
 Arboribusꝫ, adimit uitam mortalibus ægris.  
 Quaque tulit funesta pedes uia torrida monstrat.  
 Sed Deus, hanc Lechorum auertit ab agmine pestem.  
 Namque ubi miscentem cædes, Zamoscius alto  
 Aspexit, rigido non eius territus arcu,  
 Nonꝫ uenenatis (fuerant spes sola) sagittis,  
 Nec diro fauces, ursæ remouentis hiatu:  
 Ingentem quatians hastam, per tela per hostes  
 Occurrit Batto: ueluti sub amore iuuentæ  
 Taurus ab immitti offensus raptore bidentum,



Iratis primò cælum mugitibus implet :  
Naribus atque efflans ignem , palearia subter  
Pectora supponit , curuis nunc cornibus hostem  
Summouet , instantis pede nunc premit , ora bisulco .  
Nec prius absistit , nisi sanguine cornua tetro  
Imbuerit , uitâq; suum spoliauerit hostem .  
Battus ut obiectum , qui contrà obsistere tentes  
Vidit , letatur demens , prædamq; leonis  
Instar , ad optatam properat ; neruoq; sagittas  
Applicat , incessens iaculorum turbine Martem .  
Sustinet ærato , coniecta Zamoscius orbe  
Tela , & in aduersum magno ruit impete , torquens  
Quadrupedem ; decimum tandemq; aptare parantem  
Amentis telum superat , uitæq; meatus  
Esophagumq; haurit pinu ; mox deserit ille  
Quadrupedis dorsum , nec Tartara sponse subiuit .  
Effluxit , pharetra sanies , dirumq; uenenum  
Victori cessit , socii Pæana sequuntur .  
Ille autem moriens , largos effundere fletus  
Visus erat , tristisq; humili ore rogare salutem .  
Ante utinam potuisse miser , funebria uellet  
Tempora , dum uitæ nondum subrepta potestas  
Abfuit ; At mortale genus , præcordia fati  
Ignarum , letis nimium successibus , iras  
Attollit , quas aduersis cognoscere nolle .

Densior interea Moschum globus adfuit , inter

Quos bubulis lati coriis (imperuia telo  
Sunt hæc arma ducum gentis) Negusa, Corupscus,  
Prima acies adsunt: maculis fert discolor albis  
Negusam quadrupes, uolucris ruit axe Corupscus,  
Serrebin ille comes, dextræ qui præfuit ale:  
Hic socerus Batti, & Moschum pars maxima regni.  
Qui simul, ac socium campo uidere iacentem,  
Infremuere animis, ignemq; hausere medullis.  
Qualis & Aegeo, leuibz commota procellis,  
Unda mari placido, dum concutit æquora motu:  
Quò magè proludit, tantò feruentius iras  
Colligit: & tumidum terris imponere pontum  
Nititur: haud aliter conspecto corpore Batti,  
Vis effræna uirum ruit, & fert corde dolorem.  
Obuius his contrà, ingenti Zamoscius hasta  
Comparet: quem compta suos uictoria crines  
Leta, ornat spolis Batti, & circumuolat alis.  
Cui Negusa, meos etiam audacissime contra  
Insurgis casus: necdum letaris amici  
Morte? equidem timui ne te ulla potestas  
Auferret nobis, & prælia nostra caueres:  
Sed tandem incipias, quoniam te fata dedere  
Negusæ, atq; in Marte ualet tua dextera tantum,  
Incipias conferre pedes: sed Taurica quales  
Educat, haud illos nosces hic esse Quirites.  
Oppetere his dabitur campis. Dum talia Moschus,

Vesano

Vesano ore daret, clipeum Maortius heros  
Aptabat lateri, & telum torquebat in hostem.  
Nonq; diu uenientem illo seruire tulisset.  
Ni SEbridouio iunctus SEcignouius, alas  
Admosset, pugnaeq; moras, fatoq; dedisset  
Negusæ: ille etenim, postquam iunxere cohortes,  
Aggressus socium, cognato hæc protulit ore.  
Non tua nos fallit uirtus, & dextera cur hic  
Venimus; instantis fecit uiolentia Martis.  
Exigui numero sumus, hac sub mole (quod absit)  
Si caderes, nostris auferres plurima rebus.  
Non uerò uolumus, communes esse triumphos,  
Quæretur nostris, etiam sua præda lacertis.

AST Zamoscius hæc, quamuis non nostra molestena  
Pectora Moschorum uires; umboneq; uoluam  
Mille boues; & nostra sequatur uulnera sanguis;  
Vos tamen accipio socios, communia sunt  
Omnia; non etenim rebus studuisse paternis  
Tempora nos poscunt, patriæ nunc gloria detur.

Hæc ubi dicta dedit, prætenta cuspide uelox  
Occurrit Moschis; dubitat Negusa timetq;  
Viribus, ast illum coniuncta agit ira pudori.  
Concurrunt, primus teretem Zamoscius hastam  
Iecit, at illa uolans, per lintea mille, boumq;  
Terga nouem, triplicemq; rigenti ex ære per orbem  
Transiit, atq; imo Negusæ in pectore sedit.

Procubuit



Procubuit Negusa statim, mistamq; cruori:  
Singultans animam, tenues efflauit in auras:  
Quem super assistens lætus Zamoscius inquit,  
Quò nam inuicte ruis? non te Moschouia tellus  
Huc misit? Scythicæ nunquam cæssura cohorti?  
Scis tandem, quid nostra in bellis dextera possit.  
Venturos igitur uestros, Acheronte nepotes,  
Parcius exoptent, nobiscum bella monebis.  
Ille autem moriturus, adhuc quod missile dextra  
Librabat iecit; quod mox Zamoscius orbe  
Retractum clipei, pereuntis in ora retorfit.

Iam parte ex alia, quà signa inimica Corupscus  
Protulerat, pugnas curruq; ciebat aheno:  
Conciderat Ceremissa phalanx, & cæde Corupsci  
Inuoluere rotas, cursusq; premebat equorum.  
Instant Lechiadæ, & ferro augent stragis acervos.  
Hinc Sebridouiana cohors, Secignouius inde  
Grassantur, fessis ullam nec habere quietem  
Concedunt Moschis; Lybicus uelut Auster in oris  
Dum surgit summos, equantes sydera lucos,  
Turbine commiscens terras, inuoluit arenis.  
Non secus, instaurantem acies, ex axe Corupscum,  
Corporibus procerum, cæsorumq; aggere fratrum  
Opplent Lechiadæ; curru sublimis equorum  
Ille gradus poscit, mortesq; umbone repellit.  
Increpitant hostes, subito incursumq; minantur

Fata

Fata uiro , miserum telisq̃ frequentibus urgent .  
Quales auritum , quando speculantur ab alio  
Accipitres leporem , uel roscida colla rubentem ,  
Arbustus anatem protectam : immane sonantes  
Arguto stridore polos , atq̃ æthera complent .  
Et postquàm arrexcere comas , & pectore bilem  
( Suadet enim uesana fames ) cœpere , uicissim  
Arripiunt cursus : pectusq̃ , pedesq̃ , recuruos  
Oraq̃ collecti nodo , sæuo impete , plagas  
Incutiunt . alternatim Secignouius hostem ,  
Sic Sebridouiusq̃ , premunt , & uulnere tardant .  
Interea ueniens ignoto emissæ lacerto ,  
Lethali alipedes ictu , confodit arundo ;  
Consternantur equi , & rapto in contraria curru ,  
Præcipiti casu ceruice , rotisq̃ Coruscum  
Excutiant ; longo ruit ille per aera tractu .  
Quem Sebridouii , telo præfixa rigenti  
Lancea consequitur , punctimq̃ inuecta penetrat  
Terga bouum , & summum degustat uulnere collum .  
Extrahit ille manu telum , sed mucro recuruus  
Nervorum in medio , sanie remoratus in hæsit ;  
Inq̃ hostem uersus , clypeo assurgebat , & ensis  
Auxilium , hostili gauderet morte petebat .  
At ea conantem , solida Secignouius ornu  
Præuenit , ingenti robur stridore per auras  
Intonat ; & dextro qua iungitur ulna lacerto ,

Quaq̃

Quàq; uirilīs habet manus internodia, uulnus  
Direxit, pugnantī ensis, clipeusq; Corupscō  
Effluxere, fuga & peteret suasere salutem.

Magnanimi Heroes, nulla hic iniuria uobis  
Infertur, quod uestra amborum uni arma Corupscō  
Opposui, stat uester honos, & gloria belli.  
Nullius dextræ diffidimus, ambo rotundos  
Concutitis clypeos, celeresq; insurgitis hosti.  
Verum, sic quoniam non inuida fata tulere  
Ut uobis cæsus, sequeretur signa Corupscus  
Victorum, & Lechos præferret sorte paterna;  
Complacuit profugo nobis, has tradere partes.  
Diceret atrocem, quo uos feruore Graduum  
Excipiitis, qualesuē manus miscetis in armis.  
Et uestris, circum Lechorum uectus in urbes  
Elogiis, iuuenum bello succenderet iras.  
Pulchra equidem laus hæc, etiam uisura nepotes.

Te si non animi piguit, cecidisse Polonis  
Nec merita illorum pudeat retulisse Corupsci;  
Hoc siquidem melius profugam solabere sortem.

Nec dum animis Achæi cecidere, inimica reflexo  
Signa gradu agglomerant, multoq; in prælia plures  
Succedunt, cæsisq; inducunt mille maniplos.  
Alcidis tanquàm, mutilati colla dracones  
Lernæi, manibus semper geminata resumunt.  
Lechiadæ duri, multis obsistere contra

Productis



Productis nituntur equis ; hinc inde phalanges  
 Coniungunt ; & ui grauiore feruntur in hostes .  
 Emicat ante omnes ductor Uvriscius armis  
 Emeritis ; æuo Pilios iam tempora cuius  
 Aequabant annos ; sed amor sub corde senili  
 Mauortis iuuenilis erat , roburq; nec Hydra ,  
 Nec Nemeæus aper cui , nec terrena propago  
 Sufficerent : rutilus Mauortem spirat in armis .  
 Hic ubi Lechiadum , toties exisse labores  
 In cassum uidit , nec adhuc , nisi sanguine primum  
 Queratur , longo , sortem apparere benignam :  
 O socii dixit , quo fert fortuna sequamur .  
 Nam Moschos ea monstra petunt , quod prælia nobis  
 Durius eueniant , quid enim ualuere uidetis .  
 Longius ut pugnent utinam oro , nulla prophane  
 Extabunt ( ut spero ) usquam uestigia gentis .  
 Verum si cupitis , nos ut uictoria fœlix  
 Excipiat , lætoq; coronet tempora lauro ;  
 Vnitis omnes instate cohortibus illis .  
 Robora ne citius , dum sunt diuisa refringant .  
 Ne me equidem ex acie hac , uobis adferre triumphum  
 Cernetis , uel prostratum liquisse coronas .  
 Si pereo , saltem patriam seruasse iuuabit .  
 Classica adhæc , pugnam accendunt , Martisq; furores  
 Horrendas , augent , lituis clangentibus iras .  
 Impete permici ruit , & superincumbat hosti

Lechiadum legio ; strictis mucronibus omnes  
Rem peragunt , uersantq̃ suos in cædibus enses .  
Horriſer æthereum , clamor perturbat olympum .  
In belli introitu , primoq̃ in lumine cædis ,  
Semonæ Palenci , obruncat Uuriſcius acer .  
Huic Cnaſum Biſci , auxilium perferre uolentem  
Ferreæ diſciciens infeſto , tegmina ferro  
Adiunxit ; uerum poſuit diſcrimen utrique .  
Nam tibi Palenci , caput à ceruice reuulſit ;  
Te conſoſſa ſuum deplorant ilia Biſci ,  
Et pingui in ueſtes abdomine lenta feruntur .  
Et ſocii glomerant cædes , mucronibus atraſ .  
Beldouius Senconæ ferit , Dimitrumq̃ Bludumq̃ ,  
Perſequitur Couarem , eiſq̃ in morte moratur .  
Iuaſcum Celadina ſibi Tarnauius antè  
Præripuit ; ſoluſq̃ ſuo illi ablanditur enſe .  
Nec quicquam obſtanteſ Vorotiſcum conterit , atque  
Membra inter , rigidum condit uitalia ferrum .  
Inde Petrilonem ſuperat , quo Moſchica nullus  
Signa ſequebatur maior , ſonuere propinqui  
Eius ad interitum montes , & pondere tellus  
Intremuit mater , nigris & inhorruit undis .  
Nec Buniconium retinet mora , pectora Vaſci  
Traycit , atque in corde , tenus capulo abdedit enſem .  
Hoc & Balicius facit , Andricumq̃ trinode  
Vſque ſub intimi , fluiuium demittit Auerni .

His

*His quoque coniungit Semetcum Unecius , atras  
Atque subire iubet , uasti Phlegetontis arenas.  
Sed quis tot cædes , & singula prælia uersu  
Expediet ? cui lingua triplex , & ferrea uox est .*

*Interea dextro in cornu , Olesnicius armis  
Cui iuuenis præerat , sed nulli Marte secundus :  
Subdola Lechorum arisit fortuna furori ,  
Promouitq; neces Moschis : iam lute relicta ,  
Prospectare fugam , & pugnas posuisse parabant .  
Cessissentq; loco , ductor ni Ediga fugatum  
Firmasset clamore agmen , constituitur ergo .  
Per medios Ediga ruit , pugnamq; recuruo  
Poscit Olesnicii gladio ; ceu magnus Orion  
Cerulea dum sulcat Nerei , supereminet undas ,  
Brachia , Neptunumq; patrem in certamina quærit .  
Obuiat intrepidus , celeri per inania cursu ,  
Lechiadum ductor , cæsis tot millibus , actum  
Nil reputans , cæsarum sospite rege phalangum .  
Nec mora , quadrupedum hortantes calcaribus armos ,  
In mediis cuneis , quassantes impete terras  
Confluxere duo ; ferit horrifera astra boatus .  
Principio diuos , agnouit uterque benignos .  
Postquam alias imere uias , aliosq; recursus  
Conuertere , simul contraria tela tulere ;  
Tum demum ardescunt iræ , & pugna aspera surgit .  
Iam cessasse loco pudet , aut conuertere retro*



Alipedis cursus, nudasse iue dedecet atræ  
Terga fugæ, quem quisq; locum tenet utitur illo.  
Obfirmant contrà alipedes, cursusq; uicissim  
Impediunt, pugnam & sine iam concursibus urgent.  
Hinc atque inde rotant enses, animæq; recessus,  
Sollicitis quærent animis: quâ lethifer instat  
Ensis, uterq; arcet clipeo, uel reprimat ense.  
Quaque patent aditus, hostiq; pericula mortem  
Intentant, istuc inimicos dirigit ictus.  
Sic Elephas, rigido squammæ munimine tectum  
Rinocerota petit; nec se indiscrimen apertum  
Præcipitat primò, ni quâ præuiderit hostis  
Conatus molitur iter, cornuue repellat.  
Demum si fortuna ferat, sub tegmina dentes  
Conycit, & geminato eборе, inguina inermia scindit.  
Primus Olesnicio, in tanto certamine cristas  
Armorumq; decus, conos galeæ, abstulit ense  
Barbarus; exiguoq; caput discrimine læsit.  
Iamq; etiam uulnus, sublato inferre parabat  
Vlterius capulo; uerum Olesnicius ictum  
Ense celer subiit, ferrumq; per ora doloris  
Edigæ torsit, nervosq; ab origine rupit.  
Pigrius ille ruit, rapit Olesnicius alto  
Quadrupede exanimem, truncumq; reliquit arena.  
Olli continuo frigus peruadit in artus,  
(lارا & in æternum, clauduntur lumina somnum:

Vitaq;

Vitaq; cum lachrymis, dudum luctata sub umbras  
Ausugit, & medio pœnas persoluit Auerno.  
Victor Olesnicius, galea terrore decora  
Cristarum Edigæ, uictoria tempora clausit.  
Heu generose uirum, quid te mutare comantem  
Castida compellit? nempe ut uirtutis adesset  
Hoc insigne, tibi testis? uidere Poloni,  
Moschorumq; duces, fueris quàm magnus in armis.  
Æuropæ atque Asiæ, indicta si lite tribunal  
Iudicis accedes, super his seruabere uotis.  
Sed si tantus amor spoliis, ac infracta salutem  
Promittit castis, longè est fœlicior illa,  
Te qua cognouit uictorem Edigæ superbus.  
Androgei rutilo, pubes Troiana nitore  
Proditâ cristarum, pœnas persoluit Achæis;  
Hæc ne fata tuum, maneant caput, abiice quæso  
Hostilem galeam, mutilos ac indue conos.  
Extemplò turbatæ animis, nutrire cohortes  
Corde fugam Moschi, Edigæ mors addidit alas  
Veloces illis: & seruato ordine nullo,  
Iam iam terga dabant; sed quos Ceremissia gignit  
Insignes iaculis, tractant qui & bella pharetris,  
A susco submissi equites, fugientia sistunt  
Agmina, uictoremq; ipsum statione coronant.  
Ille animi fidens, socios ad prælia cunctos  
Aduocat, & medios effusis uiribus hostes

Aggredi-

Aggreditur : quo sola salus elongat utramque  
Agminis in binas partem , nonque orbe resistit.  
At quem fata trahunt , hic frustra adferre medendi  
Confidit se posse modos , nam Iuppiter altus  
Per stigias iuratus aquas , manesq<sup>ue</sup> profundos  
Parcarum leges ullo non iure refigit .  
Obruntur primò iaculis , mox glandibus , atque  
Pondere fundarum ; socii testudine facta ,  
Excipiunt hymbres , commixtaq<sup>ue</sup> fulmina nimbis .  
Sed vires inimica phalanx , compage soluta  
Auget , & inconstans dudum fortuna , uidetur  
Velle nouercari , primos quæ adiuuerat ausus .  
Iam clipei , umbonesq<sup>ue</sup> stupent tot robora , dextra  
Atque pedes , viresq<sup>ue</sup> labant , sub pectore solo  
Mens infracta uocat , defendant ense salutem .  
Vel si fors tulerit mortem oppetiisse , ruinam  
Moschorum faciant , & non moriantur inulti .  
Hoc uisum est cunctis , nudis mucronibus hostes  
Proturbant , captisq<sup>ue</sup> redit sub pectora uirtus .  
Verùm Olesnicium , quò uult inimica morantur  
Fata , negantq<sup>ue</sup> illi meritis pro talibus annos .  
Vix triplicem femore , ad pugnam distinxerat ensen ,  
Septenis & corda rotis , quibus umbo repellit  
Decliuis mortes , & incluctabile fatum ,  
Numerat ; fulsere iubæ & mox cognitus horror .  
Tum uerò ignescunt Moschi , illum tendere contra

Non



Non audent , tantum contorquent spicula plenis  
Cornibus ; Edigæ ante alios , lunauerat arcum .  
Certius agnatus Curilo : atq; elapsa , per auras  
Nondum aderat neruo sanies , stridore propinqui  
Cum permota arcus , cassus ( mirabile dictu )  
Prodidit egregium iuuenem ; rimosaq; telo  
Præbuit accessus faciles , & sanguine flexit  
Hostili Edigæ manes ; nam missa sagitta  
Cum uenit facile cerebro tepefacta resedit .  
Fertur Olesnicius letho , iuuenilia tabo  
Delibuta , modis pallescunt tempora miris .  
Ut si quis uiolas , & molli scindat Acanthum  
Pollice , confriquantq; Atellissophilla pruinæ ;  
Quæ uixere rigent , uigor & non primus in illis .  
Languescunt in morte , caputq; in terga reponunt .  
Fortunate puer , uates si adamarit Apollo  
Nos , poteruntq; aliquid tanti mea carmina quando ,  
Nulla tuas unquam capient obliuia laudes .  
Dum genitor fluuios , lituo compescet eburno  
Astula Sarmaticos , & sceptrâ Polonus habebit .  
Viues , ex animisq; hominum , non te eximet ætas .  
At socii , iniusto postquàm sub uulnere uitam ,  
Ductorem effudisse uident , hinc cominus atq; hinc  
Exanimem circumstantes , à corpore telis  
Propellunt , complere sinunt nec gaudia Atroschos .  
Qualiter Hibleæ , concluso rege cateruis

Hostis

*Mosis apes, totis conamina uiribus arcere,  
Et proprio redimunt, ductoris sanguine uitam.  
Sed longum misere, tantum insultasse cohorti  
Haud licitum Moschis; aderat cum gente minaci  
Virchlenius, passim hostilesq; errare maniplos  
Prospectans, quod erat, mortem præsagit amici.  
Porrexit contra cuneos, & tympana ubique,  
Castigare iubet, Martemq; accendere cantu.  
Mox celleri progressus equo, bis tempora circum,  
Contorta, belli signum, quatrinode, manipulis  
Exposuit: socii tetris misere chelidris,  
Subiectis glandes flammis, & fulgura diro  
Elibrata tono, confunditur arduus æther.  
Permixti Moschis, Nobai, Mordisq;, Sauolgi,  
Cermisisq; ruunt; tanquam inclementia cæli  
In segetes, si forte pluit diræ, ictibus hymbres  
Grandinis, immenso pereunt sata, parta labore.  
Quæq; caput cælo extulerant, confusa ruinas  
Cum sonitu ad terras referunt; radice reuulsa,  
Atque iacent terras nunquam uictura per omnes.  
Dumq; metu trepidant, uacuosq; implere secundo  
Virchlenius mandat colubros, quò occasio nulla  
Accedat, spaciūmue illis, perfracta locandi  
Agmina: pugnantem longis inferre uerutis  
Signa iubet cuneum, & sæuas committere cædes.  
Iussa sarissophori peragunt, plenosq; feruntur*

In Moschos passu, sedes complentur Auerni.  
Opponent acies Moschi, conclusus at intus  
Miles Olesnicii, dirumq; in corde uenenum,  
Tardat eos: intra miseri caduntur & extra.  
Robora quæ potuit, bello tulit ultima Suscus.  
Accrescit numerus, uirtus decrescit at illis;  
Accrescunt Stragis cumuli, uiresq; Polonis  
Casorum numerus, nec sors contraria subdit.

Atque ea diuersa, quando regione geruntur?  
Quas pugnam sortitus erat Sborouius alas,  
Fregerat, in mediosq; suam promouerat agmen,  
Moschorum cuneos; regali splendida luxu,  
Illic barbaries, & spes certissima Moschum  
Constiterat; telisq; hostem prohibere parabat.  
Quos inter medios, magna se mole Vasilium  
Vertere conspexit, Martemq; accendere dictis.  
Ceui stabula alta inter, capream si forte Lycæon  
Conspexit, diro stimulatus acumine uentris,  
Dentibus infrendet, pectusq; exastuat igne:  
Nox seu difficiles aditus, seu copia portæ  
Vlla datur, metuendus adest, miserisq; bidentes  
Corripit, & multo saturatus uellere prodit.  
Sic ruit in Moschos alacer Sborouius, hostem  
Ingentem quærens, quo cum Mauorte perennis  
Commisso, æternum conferret gloria nomen.  
Hoc quoq; præcurrens uult Lesnouolius agmen.

H

Conceptumq;



Conceptumq; auget, sub summis ossibus ignem  
Ergo statim cinctus, sociorum bella phalange  
Arripit, & Moschum celeri in penetralia cursu,  
Deuehitur; sensere statim generosa manipuli  
Corda uiri; cæsiq; altis cecidere ruinis.  
Ille petens regem; nunc hos nunc fulminat illos:  
Cum sociisq; simul, mediis in millibus ardet.  
Nuncq; satur cædis, deducta ex hoste phalange,  
Seponit paulum Martem, nunc robore sumpto,  
Viribus aggreditur, multò maioribus hostem.  
Atque iterum notis se immiscet protinus armis.  
Tanquam Hispanus Anas, delapsus flumine longo,  
Obliquisq; uadis fessus, sinubusq; reflexis,  
Absorptus reparat, sub hiantе uoragine cursus:  
Post recipit uires, uariisq; inflatus aquarum  
Vorticibus, terræ specubus uiolentior exit.  
Fortius, & uastæ transmissis Thetyos undis,  
Gadibus, auratas Tartesi erructat arenas.  
Non Moschi sufferre ualent, tot milite bella  
Incursumq; uiri, nudent si terga uerentur,  
Ne syrtēs intrent, cupiunt dum exire Charibdim.  
Ad patrias artes ergo, fraudesq; dolosas  
Vertuntur, magiaq; uolunt committere pugnas.  
Et quem non fregere, dolis innectere tentant.  
In cuneos pandunt aditus, turmisq; phalangum  
Extensis, inferre sinunt ibi signa Polonos.

Vota ubi succedere cauo, mox cornua retrò  
 Aere uocant, iunguntq; gradu diuersa reflexo  
 Signa, hostis sinuoso & turbine terga coronant.  
 Non secus, ac si quando citæ, intra tecta ferarum,  
 Commouere canes, catulis commitantibus ursam:  
 (Quos illa alternos cursus cum forte leuaret  
 Mulcere, & docta informes effingere lingua)  
 Agricola uasta infælicem indagine claudunt.  
 Undique deuincendi ardore, Polona iuuentus  
 Obiicit, armatis Moschorum pectora gyris.  
 Ingentiq; periculo interrita mole sua stat.  
 Desuper immissas mortes, umbonibus arcet:  
 Comminus aggreditur nudo certamina ferro.  
 Qualis in Aegæo, deprensus nauita ponto,  
 Inter se oppositi, attollunt dum prælia uenti,  
 Flantibus antennas, æratos obycit undis  
 Prorarum dentes, fluctus quibus æquoris altos  
 Temperat, & tuos seruat per ærula cursus.  
 Rarefcunt cunei Moschum, nam bellica uirtus  
 Procumbit, flosq; ipse uirum queis corde Vassillus  
 Magnus erat, gentisq; odium crudele Polonæ.  
 Parcius oppugnant alii, licet æstuat idem  
 Illorum sub corde furor, nec non minor ignis.  
 Deiectiq; loco, obductas per terga, phalangum  
 Dissoluere plagas, confecta;q; lina manipulis.  
 Et ueluti nolueres, ad nota cubilia campo,

*Vesper agit, caelique ruunt instante procella  
Tempestatis apes, ubi dulci nectare cellas  
Distendunt: rapido regem petiere tumultu.  
Hostes unitis fracturi viribus; illic  
Sed peior rerum facies oblata, repente  
Nutantes, tristi concusso corde pauore  
Confregit mentes, & desperasse coegit.  
Venerat in pugnas, Sboroui signa secutus  
Cisouius, longa solitus certare sarissa:  
Et belli comes, & doctus dulcedine linguae,  
Curarum lenire moras; hic dum acrius hostem  
Contrà intendit iter, Moschumq; in millibus erae  
Incautus, diro transfixus uiscera ferro,  
Ante oculos, uitam sub arte reliquit amici.  
Tum uerò misero, turbatus funere lethi,  
Irruit in Moschos, catulis Sborouius urfa  
Orbata horridior, certoq; tenore Vafilli,  
In iugulum fertur, ueloci turbine rumpens,  
Qui conanti obstare uolunt; ceu dissipat acri  
Oeneis immissus agris, Latoidos ara  
Vltor aper, dirum latrantes, dente molossos.  
Cuius sanguineis scintillant lumina flammis,  
Setarum ceruix horrore, hastilia praefert.  
Quandoque in medios, irrumpit feruidus hostes,  
Non minor elisis excusso nubibus igne,  
Fertur, & hosq; illosq; inimico diripit ictu.*

*Nunc*



Nunc obliquata, rigidos ceruice per armos,  
Intendit dentes, reparato fortius ore,  
Missurus fulmen: nunc hoste à parte sinistra,  
Conciso, dextrum repetitis ictibus aufert.  
Quemlibet haud uolucris ignarus prosternere gyro.

Viderat hæc Regina Deum, Saturnia Iuno,  
Atque ausis turbata uiri, ne gloria Moschum  
Concidat, & capiti Martis non tædeat unquam:  
Quamuis fata uetant, non sitq; ignara Tonantis  
Consilii, tamen usque putat cessura labori.  
Sola per æthereos ignes delapsa, Vasilii  
Agmina coniungit, mentesq; resuscitat egras.  
Ipsi animos hostes contrà, uiresq; secundas  
Sufficit, & socios Lecheia trudit in arma.  
Nunc succincta latus ferro, atque immixta manipulis,  
Acillitis officium complet, pugnasq; lacessit.  
Iam princeps belli, nutantes increpat ultrò,  
Et tepidum Martis clamore accendit amorem.  
Lechitisq; ferè partos, extorquet honores.

Interea saltus Hæmi, Rodopesq; niuosos,  
Præteruecta Venus, celeri labentia cursu,  
Flumina, Threiciis contingit nota pharetris:  
Strymonis atque undas, & sæui horrentia Martis  
Culmina, sanguineisq; subit tentoria uelis.  
Torua uirum facies portas tenet, obyce uallo,  
Atque repentinos, à longè submouet hostes.

In circum Thraces, lunatis cornibus errant,  
Pectoribusq;, obiectis exercentur equorum.  
Pars acres tendunt arcus, pars pila lacertis  
Contorquent, equites bibulae rotantur arena.  
Bellipotentis ubi sedes, laquearibus altis  
Dependent clipei, & seruantia tela cruorem:  
Hinc rutilant galeae, cristis crepitantibus, inde  
Loricæq;, hastæq; simul, capientibus adsunt.  
In dextra Bellona sedet, Lis, Rixa, Furorq;  
Alia rabies, Liur, Vindicta, Simultas,  
Contemptusq;, Odiumq;, Senatusq; ultima Cædes.  
Sed cui propendet collo Regale sigillum.  
His famuli mortes, his Ditis numina Parcae,  
Blanditias adhibent, horumq; ope pondera ponunt.  
Pondera mortales, retinentia stammie uitas.  
Considet in medio strato Gradivus in ostro,  
Lorica sacros, indutus nexibus artus,  
Aerata manibus librans utrisq; trinodem.  
Ad quem tum precibus Cithærea est talibus usa.

Postquàm res Asiae, superis charissime coniunx,  
Euertisse fuit uisum, atque resurgere nostri  
Aeneae uirtute, iterum noua Pergama scirem:  
Nullum abs te auxilium, quo uellem fortiter hostis  
Sustinuisse manus, nec te ipsum in bella uocaui.  
Quamuis, non aduersa mihi tua sancta uoluntas,

Tunc

Tum foret, & Phrygiæ deberem plurima Troiæ.  
Troiu genasq; illo posses arcere periclo.  
Omnia sed fatis dederam, magnoq; Tonantis  
Consilio, minuens contraria fata, Deorum  
Pollicitis: qui ueri ut sunt sic uera locuti,  
Promissisq; steterè suis: nam uidimus arces  
Fundantem Asaraci prolem, Troiæq; per aras  
In Capitolino uenerantem, colle penates.  
Vidimus & Romam, Tyberisq; potentia sancti  
Quanta fuit, quantum iugo submisserit orbem.  
At postquam Regina Deum, promissa Tonantis  
Fregit, & Aeneadum de toto sustulit orbe  
Imperium: haudq; incerta ferar, sententia uertas  
Cum non ulla patrem: leges imponere mundo,  
Et regere æternum populos, sine iudice partes  
Esse meas; Regnum placuit deferre Polonis.  
Et facere æterna gentes ditioe tenerent.  
Nam si Troiu genas libuit regnare parenti,  
Et Lechis si forte prior quæratùr origo,  
Asaracus genitor, Rethæaq; littora stirpes.  
Quare ad te supplex uenio, & te in uota precesq;  
Posco parens, uestro firmetur numine nobis  
Imperium, spes nostra tuis nitatur in armis.  
Tu Deus armorum, tibiq; omnis causa secunda est.  
Cernis ut insultet nobis, Iunonis iniquæ  
Vis, & fraterno ruat, illa potentia bello:

Exere



Exere falices dexterās, confringe Vasilum,  
Iunonisq; odia; æternum regnare Polonis  
Sic liceat, miseræq; mihi finire dolores.  
Dixerat: Et niueis connectit colla lacertis  
Coniugis, atque imas incendit amore medullas.

Tum genitor, noto postquàm calefactus ab igne est,  
Talibus orsus ait. Nunquam Citherea salutis  
Oblitus Teucrumue, tuæue fui; abiice curas,  
Nec perge indubitare mihi: si Troia dextra  
Defendi posset, nostra defensa fuisset.  
Te ducente, meis raptos ex hoste penates  
Auspiciis, tulit Aeneas in regna Latini,  
Obseditq; truces populos, Albamq; locauit.  
Et nunc, Iunonis non exhorresce furores,  
Deuicere tui; poterit mea dextera quantum,  
Omnia disponas, tibi nostra potentia subsit.  
Hæc, ubi dicta, Deam sanctis complectitur ulnis,  
Bellonamq; iubet, rapidos conscendere currus,  
Ignipotentis opus, Brontis Steropisq; labores.  
Undique Trinacrii falces Cyclopes in illos,  
Contulerant; falcati axes, temoq; rotæq;  
Tegmina quadrupedumq; fuerunt helcia falces.  
Exin commoto in circuitum Bellona flagello,  
Instat equis; rapidi strident in cursibus axes.  
RANCOR & IRARuunt, celumq; hinnitibus implent,  
Præcipitiq; terunt subiectos impete campos.

Postquam

Postquam iter emensi, & cuneos tetigere Polonos,  
Placati, Zamoscius & Sennavius hostem  
Contra ubi constiterant, demum Bellona per armos  
Immittens stimulos, commouit corde furorem.  
Illi concipiunt, ardentia pectora flammæ,  
Gutturèq; eiciunt ignes, simul impete facto,  
Falcibus obliquè moderantes, agmina currus,  
Moschica prosternunt, cumulant ac stragis acervos.  
Per mediasq; ingressi acies, in dextra citato  
Signa ruunt temone, & uerrunt falcibus hostes.  
Mox uersi relegunt cursus, læuumq; fatigant  
Cornu, Iunonis nec eos præsentia terret.  
Ipsa soror Martis, serpentum Gorgone scæua,  
Excutiens Bellona manus, hinc inde cruentas,  
Seminat in Moschos, lethi genus omne: relecto  
Corde infælicem iste animam euomit, ille sarissa  
Transfixus, nigras Erebi descendit ad umbras.  
Hunc secuere rotæ radiis, hunc ilia rostro  
Martis equi traiecere, atque dedere ueruto.  
Ille medullarum, mixto torrente cruori  
Auulsa ceruice, soli largè irrigat arua.  
Huic pulmone sedet ferrum, huic diaphragmata glandes  
Infestant, illi lacerata est fabrica uitæ.  
Parua loquor, rigidus cunctos absorbet Auernus.  
At uerò Lesnouolius iam lætior agmen,  
It circum uagus, & præsentis numinis omnes,

I Admon et,

*Admonet, atque ignes animis pugnantis addit.  
Quo stet quisque loco uidet, & quid dextera tentet  
Quæque notat, quem bella iuuent, quemq; ocia tardent.  
Suscitat imbelles, atque addit fortibus ignem.  
Incumbunt celeres socii, lætoq; feruntur  
In Moschos passu: tota regione colubri  
Incensi, patulis eliso faucibus igne,  
Horrendo stridore tonant, hic gesa pererrant,  
Illic pila uolant, medio stat in æquore cædes.  
In segetes ueluti, laxis Vulcanus habenis  
Incidit, igne prius modico, per limina serpit,  
Circuitumq; omnem, flammis crepitantibus ambit.  
Post ubi scintillis, luctus uidet omne teneri,  
Undique progreditur, flammisq; uoracibus haurit,  
Omnia, nec segetum campo uestigia linquit.  
Sic omnis cecidit uirtus Moschum, undique postquam  
Viribus excisis, medio stetit horridus hostis.*

*Moschus ut infausti, uires crebrescere Martis  
Vidit, & aduersa socios succumbere pugna:  
Ignarus mentem quid agat, succurrit in armis  
Pulchrum posse mori, & socios comitare sub umbras.  
Sed uitæ natiuus amor uetat, hisq; pauentem  
Consiliis animum mouet, ac deterret honesto.  
Si fugiat, fuga dedecus est, liquisse premendos  
Demum turpe subit socios: his æstuat ergo  
Pectora dum curis, ac ponderat omnia secum*



Lance pari, nonque excusis rationis habentis  
Virtur, utile damnosum, respectus honesti  
Vicit, & in medios moriturum propulit hostes.

Quo turbata Iouis coniunx, Saturnia Iuno,  
Præteruecta celer cuneos, aduersa repente  
Obstitit, & tales mærens dedit ore loquellas.  
Quò periture ruis? maioraq, uiribus audes?  
Non tali auxilio, non pugnatoribus istis,  
Res tua consurgat, non si hic meus esset Achilles.  
Quæ cælum rego, quæque homines irata figuro,  
Esse hominesq, ueto, Phlegeton cui supplicat ardens,  
Quamq; maris reuerentur aquæ, nunc uicta relinquo  
Prælia, Lechiaco agmina nostra teruntur ab ense.

Heu mecum te hinc eripe. Sic effata morantis  
Cornipedem arripuit, fugiuntq, per auia retro.  
Nec mora, qui circum steterant retulisse Vassillum  
Ut uidere pedes, turbati pectora planctu,  
Diuersi fugiunt, sequitur quos cætera pubes.  
Dat metus attonitis stimulos, cæciq, feruntur.

Conclamant subito Atroschos, cecidisse Poloni,  
Et cursu effuso, fugientum terga fatigant.  
Imperiosa phalanx equitum, præcedere frontem  
Nititur: atque leues uult cursu æquare maniplos.  
Tantus amor cædis, tantæ ac in pectore uis est.

Nondum constiterant fluuii, nec marmora subter  
Occa suos poterat, ferrata abscondere fluctus:

Vicinosq; inuissis obsederat æquore campos .  
Namq; diu imperium , horrificamq; Tyrannida Moschi  
Pertæsus , fatiq; sciens , dum prælia starent ,  
Fontibus undarum , sæuo commota tridente ,  
Claustra relaxarat , reditum torrentibus undis  
Impediens Moschis : hocq; est iuuisse Polonos  
Officio uisus , sanctoq; applaudere Regi .  
Hicq; ubi perueniunt , trepido fugientia cursu  
Agmina Moschorum , pars sese in flumina saltu  
Præcipitant : pars occultas , per litora calles  
Auxiliumq; fugæ querunt : diuortia nota ,  
Et reditus , hostis uerum custode tenebat .  
Ergo armis , animaq; exuti ad Tartara tendunt .  
Quos uidit rapidis , innare in fluctibus Occa ,  
Iratæ scelus elabi , de gurgitis imo  
Progrediens aperit fluctus , hicq; iniicit omnes .  
Desuper at cumulo absorptos oppressit aquæ mont .  
Sic nihil iniusti est , quod non terat ultio Diuum .

Iam sol inuito lustrarat lumine terras ,  
Hæspertiisq; suos brüges , absconderat undis .  
Extrema sed adhuc incensa crepuscula luce ,  
Præbebant terris lumen : cum classica Lechos  
Venatu hostili reuocant , atq; æquore campi  
Mox exire iubent celeresq; in castra reuerii .  
Conueniunt omnes patrium Pæana canentes .  
Quos inter medios , ubi Lesnouolius heros

Constitit ,

Constitit, innitens clipeo, his affatur ouantes.

Maxima res effecta uiri, hoc in Marte Vassili,  
Procubuit robur Moschum, & lunonis iniquæ,  
Ingentes cecidere minæ: hæc sunt ( corpora monstrat  
Fusa hostis campo ) felici sydere cæpti,  
Primitiæ belli, & uincendo ex rege triumpho.  
Crastina lux igitur, postquam repetiuerit ortum,  
Vota patri æterno, primo soluamus Eoo.  
Inde strues cæso geminas, ex hoste, trophæum  
Mauortii sacremus, honor sit debitus illi.  
Nunc uerò ægregias animas, uictoria quarum  
Sanguine nos sequitur compulsæ, cadauera præter  
Moschorum exceptas, tumuli decoremus honore.  
Quod superest, animos firmate in prælia uestros:  
Et uos passuram, dominos præsumite Volgam.  
Digna relaturi uirtutis præmia uestre.  
Sic ait, & factò demùm mox fine quieuit.

Ne quoque depugnasse sat est: quæ prælia nondum  
Si benè sustinui, nec ueri militis ausus  
Impleui, non nostra malignus nomina rumor  
Opprimat, & turpes paulùm frænentur Hyæne.  
Tyro fui, nec adhuc solidæ sub pectore uires  
Extiterant, fregitq; meos Lerneæ Hydra lacertos.  
Nunc primum graue Martis opus, tolerare tumultus  
Assuesco, campoq; hostem expectare patienti.  
Post aliquid dabitur uicio, cum bella geremus

Robore



*Robore maiori, & tunc dissoluantur Hyena.*

*Ni tamen ante meos ornarit laurea crines.*

FINIS.

VALENTINVS ROSARIVS

IOANNI STARICONIO

SEMVSOVIO.

*ARMA uirosq; canis, funesta in praelia motos,*

*Quos Iouis exciuit uxor, & alma Venus.*

*Mira canis, fateor, prisco uix credita seculo,*

*Quò tulit, innumeros impia turba Deos?*

*Sed canis hæc falsò, uerè ut uideare locutus,*

*Scilicet hoc facit ars, ingeniumq; tuum.*

*Fingere concessum est, solis impune Poetis,*

*Sit mendax uates, uerus at Historicus.*

